



14203

III

Mag. St. Dr.

P

Stanisl.

*Dzielski Albert Sos. Gratia stantis laudis
plena.*

PANEG. et VITAE

Polon. Fol.

Nr. 245.

Biblioteka Jagiellońska



stdr0002439

GRATIA
STANTIS LAVDIS PLENA,
ex ipso nominis etymo
CLARISSIMI ac EXCELLENTISSIMI DOMINI,
D. JOANNIS
STANISLAI
DZIDOWSKI,

In Alma Vniversitate Cracoviensi Philoso-
phiæ & Medicinæ Doctoris ac Professoris,

DUM

PRO LOCO

inter Clarissimos Facultatis Medicinæ
Doctores ac Professores,

in Nobilissima Magnorum Hospitum corona
responderet,

DEDUCTA;

ac in vim gratulabundi pectoris,

A

M. ALBERTO IOSEPHO DZIELSKI,
Philosophiæ Doctore, Scholæ Pœtices Professore,
panegyrico cultu

CELEBRATA.

Anno Gratia sublunari Orbi à superis immisæ

50.

1692. Die 21. Aprilis.

CRACOVIAE TYPIS VNIVERSITATIS.

GRATIA STANTIS LAVDIS PLENA.

Magnitudinem humanæ gloriæ ambire,
ac in virentem honorum assurgere palmam,
non levis subinde infortunij occasio est.

Nimirum, *trahimur sæpius in altum laudis stimulo,
ut casu graviore ruamus.*

Evolat sub aëra cereis Icarus pennis,
majorem adversæ sortis sibi paraturus tempestatem.
Vix aliquando magna gloria sine magno periculo invenitur;
quæ etsi paulisper in serenitatem nominis nitescit,
illico tamen in nubes tenebræ famæ condensatur.

Profectò, *magnum astrum laus & honor est;*
ast periculosas sæpenuerò patitur eclipses.

Nihil sub sole perennaturi, nihil stabilis reperitur.

Sola duntaxat Pallas æternos, & ipsis superis pares occupat honores:
solæ Pierides clariùs indicant laudes: neq;

si chartæ sileant, quòd benefeceris, mercedem tuleris:
ipsa non nisi illarū monumēta perēnaturæ virtutis testimoniū præbēt.

utpotè, *literarum usu memoria fulcitur aternitas:*
aternum virens Palladis olea nunquā squalidam reportat Cupressum:

etiam inter strepitum Martis, suus honor & dignitas studijs:
non, æstuante armorum ictu, aduritur sapientia.

quæ veluti illustris Planeta,
semper stellatum augustæ gloriæ conscendit Zodiacum:
nec unquam exusta oblivionis ac infortunij obvelatur nube.

Novisti perbellè

**CLARISSIME AC EXCELLENTISSIME
DOMINE DOCTOR,**



*veram, & veluti lumen Cæli nitentem gloriam,
non nisi in solis sitam esse literis.*

Didicisti dilectus Musis & Apollini adhuc in prætexta Tua ætate,
ad summa nonnisi per Palladij sudoris eniti diluvia:

hinc firma statim perennaturæ laudis jecisti fundamenta,
quando veluti celeri Pegasi instructus pennâ,

postquam ad augustum Craci advolaveris Lyceum,
illico toties laborū Afro, & adversis quidem exagitatus Aquilonibus,
secundis tamen semper ad scientiæ lumen ducebaris Zephyris.
intimè

intimè Tibi Sacrarum Sororum complacuit Chorus,
cum quibus Castalios delibando latices,
doctum ad Apollinis lyram resonabas carmen.
E Parnassio postmodum colle, ad eloquentiæ evocatus campum,
toties pro Novoduoriscianis facundo ore perorasti rostris.
Ostendisti non ex vano in sacri fontis lavacro Tibi desponsatam
fuisse Gratiam,

dum solas nonnisi loquebaris Gratias,
dulcem ambrosiam, eloquij nectar, ac pretiosas
in Auditorum animos dispergens verborum gemmas:
Et ut perennè, STANTIS LAUDIS STANISLAE infallibilem
demonstrares propositionem,
monstrasti Te deinde in acie stagyritica velocem stadiodromum,
& ad Cleāthis lucernā vigiles ducendo horas laboriosū Theopompū.
*Certasti magnis Tuis dotibus, & fortiori nisu, felicior Cyneā,
qui non Urbes, sed Magnorum Auditorum mentes in Tui
sermonem captasti.*

Vidit Iagellonica Pallas ingentes Tuos labores,
quos ut dignè præmiari posset,
virentem Tibi primam in Philosophia, mox posthac secundam,
perennaturo Nomini & gloriæ Tuæ contulit Lauream:
spectavêre Te hâc condecoratum Aristotelica Musæa
fortem in decurrendo Philosophico stadio Athletam,
toties generoso disputantem pectore:

*Spectavit immensus scientiarum Eurippus Theologica Pallas,
indefessum sui speculatorem.*

Felix illa ILLUSTRIS ac GENEROSÆ MICHAŁOVIANÆ
PROLIS educatio, ingentē Tibi laudis & gratiarum tribuit portionē.

Didicêre Te scientifico Duce, Te Prodromo Palladij Milites
immensam sibi in campo Sarmatici Orbis imminere gloriam;
virentemq; Minerva oleam in perennaturas laudū excrefcere Cedros.

Agnovêre non solum in Pyrrhi, ast & in Tuo
Illustri STELLA decorato Annulo habitare Musas,
quando tam in erudita Iagellonica Porticu decertando,
quàm Generosam informando sobolem,
indefessum semper servasti animum.

*Monstrasti & tunc Generose doctioris Palladis Heros
quid valeant vires, quid magni ingenij Tui dotes,
quando AVREA illâ CLAVI
inevitabili fatorum vi fractâ,
ac in funesta morte*

ILLVSTRIS olim ac MAGNIFICI DOMINI,
D. MELCHIORIS

in Michálow

MICHAŁOWSKI,

Dapiferi Terræ Rosanensis &c. &c.

tristi calamo à Te præsentata,
aperuisti Tibi gloriæ Templum,
ex quo sublimior Tua sapientia, virtus, & innatus pectoris
candor, ad majora Te evocavit,
quando unanimi voto, & Majorū voce Togatus Te secutus est honor.
mox post tot exantlatos in area Philosophica labores,
Medicina Te veluti alterum ad se pertraxit Hippocratem;
& tanquam illustrem in Zodiaco Doctorum collocavit Cynthiam.

Ita est Vir Clarissime,
ingens animi Tui capacitas
nullibi melius, quàm in administratione salutis humanæ patere potuit:
utpotè veteri exemplo, autoritateq; Tullij monstrante,
solam hanc ad æternitatem viam esse, proximis benefacere.
Nihil sanè in rebus humanis felicius Diviniusq; censendum,
quàm cum Superis paria facere,
Et adversus mortis furias pro utilitate proximorum
srenuè decertare.

Medicina namq; Deorum ministerium,
qui cum ex hominibus Medicos in Cælum evocassent,
ipsi vicissim ad curandos mortales Cælis descendisse credebantur.
Perennaturam proinde, & STANTIS plenam LAVDIS Gratiam
Te promeruisse nemo dubitabit,
quando opera Tua gratiosis, ac perennè laudandis.

Divūm facinoribus æmula recogitabit.
Perennabis & ipse Vir Clarissime Pyliam superando ætatem,
felixq; ac fortunatus, meliore Tui parte nunquam mori poteris.

Vives copiosis Cæli cumulatus favoribus
pro meritis & operibus Tuis utilitati proximorum consecratis,
Viues, & æternū Divis grata, STANTISq; plenā
LAVDIS beaberis.

GRATIA.

Permissu Magnifici Domini
RECTORIS.



I

O

or.

m.

it.

ur.

m.

h

l

2

